

[Augsburg], 29. Oktober 1556

An Joachim Camerarius d. Ä.

BSB, Clm 10370, Nr. 264.

Clarissimo viro, D. Ioachimo Camerario etc. Domino et amico suo colendo. Leipzig.
 S. P. D. μάντις ἄριστος ὅστις εἰκάσῃ καλῶς. Tibi verò neque στοχαστικὴ διάνοια neque artis cognitio, neque πολιτικὴ σύνεσις χρησμωδίας ἀπάσης προφερεστέρα cum desit: persuasum habeo, te Cypriani nostri hospiti veriora quam iucundiora nunciaturum. οἱ γὰρ τῶν κακοποιῶν ἐπίκεντροι σὺν τοῖς φωσὶν ἐνώσεις non minora fortunarum detimenta, quam animi labes minitari videntur. Sed haec a te expectabimus, cuius iudicio nostras opiniones libenter postponemus, neque medicum illum imitabimur, sed ἀντιμισθίαν τινὰ, καθόσον ἐφ' ήμīν ἔσται, curabimus. Quod autem me interpretem adiungere in animo habes, et mihi oneris aliquid imponis, et gratiam tuam minuis. Nam autoritate nominis tui Rosebergius vel in primis gloriabitur. Morem tamen tibi geram quibusunque rebus potero, etsi Homericum illud ferendum erit

μάντι κακῶν οὐ πώποτέ μοι τὸ κρήγνυον εἶπας
 ἀεὶ τοι φρεσὶν ἔστι φίλον κακὰ μαντεύεσθαι.

Mala enim illa a me proficisci putabit, qui hominis auaritiam saepe liberius ἄμα μὲν παιζων ἄμα δὲ καὶ σπουδάζων reprehendo καὶ πρὸς αὐτάρκειαν παρακαλῶ. Vtut erit, morem vt ei quamprimum geras, idque φιλαληθῶς, mea etiam causa oro. Expectabamus tuum et Peuceri aduentum, sed, vt video, superiore anno ita te tractauimus, vt tantillum itineris dispendium propter Augustam tibi faciendum non putaris, nec iniuria. ἔνιοι μέν γαρ (!) ήμῶν οὐκ ἐθέλουσιν, ἔτεροι δὲ οὐ δύνανται χαρίζεσθαι σοι. Vale. 4 Cal[endas] Nouembris Anno 1556.

Hiero[nymus] Wolfius.

Literas tuis adiunctas vt Vitebergam per occasionem mittas oro, ne gratis operam dicendae Charino salutis a me postulatam putas.